

Scientia Sanctorum

Collecta Ex Meditationibus Ludovici De Ponte, Joannis Busaei, Joan.
Suffren, Juliani Hayneufve, Et Antonii Gaudier, &c. E Societate Jesu, In
Dominicas, Festa & ferias totius Anni digesta. Cum Indicibus duobus. I. In
singulos dies. II. Ad Exercitia Spiritualia

Puente, Luis de la

Dilingæ, 1685

16. De prosectione Beatæ Virginis in Bethleem.

[urn:nbn:de:hbz:466:1-60561](#)

MEDITATIO XVI.

Profectio B. Virginis in Bethleem ex
Nazareth.

PUNCTUM PRIMUM.

Quod Christus destinato consilio suum in mundum ingressum ita disposuit, ut esset illius modus nobis quidem ad exemplum quam utilissimus: ipsi vero ad ferendum permolestus & gravis. Unde extra Nazareth nasci voluit, ut qualicunque domestica commoditate nascens Extra patriam privaretur. I. nunc, qui tam studiosè tuas com-nascitur moditatem consecutaris.

PUNCTUM II.

Occasio profectionis extitit tributum à Cæsar indicatum, & is quidem ambitione, ad ostendandum imperium, & cupiditate auri ducebatur, in edicto promulgando: Christus autem humilitatis & subjectionis exercendæ inde occasionem sumpsit, ad exemplum. Quidni ^{1. Pet. 2.} ego subjiciam me omni humana creatura propter Deum?

PUNCTUM III.

Ratio itineris, singulari totius oris modestia ^{Ratio} itineris.
procedebat Virgo, mente in illum, quem gestabat, defixa, tacitaque cum illo loquens, aut de illo cum Iosepho: non gravabat sacra sarcina gestantem, sed sublevabat; ac propinqua
N fruendi

fruendi illo, spe vires reficiebat: cum alioqui sat prolixa & difficilis via, asperitasque hyemis teneram Virginem fatigarent.

PUNCTUM IV.

Hospitio ex-
I. 11.
Luc. 9.
58.

Isa. 1. 3.

QUOD hospitio excluditur. *In propria venit, & sui eum non receperunt.* Jam tunc illud cluditur. implebatur: *Vulpes foveas habent, & volucres cœli I. nidos;* *Filius autem hominis non habet, ubi caput suum reclinet.* Quin vulpes astuti, & cupidi homines à suis foveis Christum excludunt: volucres autem superbi & nobiles à suis nidis, ut stabulum subire debeat, ubi *bos & asinus cognoscant possessorem suum,* mites ac humiles repellunt, quia non agnoscitur. *O si cognovisses, & tu, quām sæpè Dominum repellis à te, quoties pulsanti non aperis!*

MEDITATIO XVII.

Nativitas Christi.

PUNCTUM PRIMUM.

Exultas
prodit.
Ps. 18. 6.

Dona
pro hos-
pitio.

QUOMODO, imminente nascendi tempore, quod nec prævenire, nec prorogare Christus voluit, *Exultavit, ut gigas ad currēdam viam,* & illam quidem asperam, ac difficilem, ab ipso primo ortu ad exitum usque, à summo usq; ad summum, ab utero ad crucem. Deinde, hospitium suum, uterum Matris, Rex tantus haud reliquid indonatum in egressu suo, quare tunc ineffabili luce ac lætitia Matris suæ animam perfudit.